



Djasabra pasa 30 di November pa prome bia, riba iniciativa di Fundashon hende-i-medio-mmbiente (HiMA) den e restorant di Maris Stella V.S.B.O. skol na Montanja, a tuma luga un” Restorant ku Presupuesto”. E nomber ta bisa tur kos kaba! E ta pa tur esnan ku no tin un presupuesto pa sali kome afo den retorant un anochi. A invita un grupo grandi di hende di e bario di Montanja i bisendario. “ Restorant ku Presupuesto” ta un iniciativa pa tur famia ku pa un motibu of otro ta pasando dordi un momento difisil, ta esnan ku ta wordu invita pa kome afo un anochi.

A sirbi un menú di tres plato ku a konsisti di un dushi sopi galinja pa antrada, e plato principal di Bami/Nasi ku filete di galinja i pa pasa boka Cup cake.

Tatin un ambiente kontentu den e restorant di e skol.

Tur kos a wordu sirbi den tayo Bio- degradabel pa tirafo, e miho alternativa enbes di plestik of tayo di Foum.

Tatin hopi boluntario: Hella, Yvonne, Glen, Yolanda, Gera i e dos koki Steve i koki dosente Edric Antonia di Maris Stella , tur hende a kopera pa e anochi, e tabata uno hopi festivo i kontentu pa tur hende. M’a hanja tremendo ku Supermarket Vreugdenhil na Monde van Alan a bisa “SI” asina sinsero i a duna kuminda i tur loke nos ta tin mester pa e anochi komo donashon. según Yvonne Wolthuis “ Asina hopi amor pa progimo ta yega na mi kurason” e direktora di e fundashon a bisa.

Fundashon HiMA ta konforma pa tres miembro: Yvonne Wolthuis, Yolanda Faneyt sekretaria i Geraldine Scheperboer tesorera. E meta ta pa trese hende huntu ku e mesun deseo pa un mundo mas berde, mas hustu i mas demokretiko. Nos ta pidi tur hende pa huntu ku nos konstrui un mundo miho, den kwa nos ta para pa konvivensia kaminda ekologia duradero I solidaridad ku esnan mas vulnerabel i e bestianan di kas ta central. HiMA ta lucha pa konvivensia basa riba unión familiar ku respet pa otro, kaminda nos komunidat ta bai sinti nan mes atrobe responsabel pa bienestar di otro awo i den futuro! Den resumen e tabata un anochi hopi eksitoso, tur hende tabata satisfecho ku bon kontakto ku otro, e muchanan a gosa un bol i nos pora sosialisa ku otro ku ta hopi importante i ta hasi hopi falta den nos konvivensia. E meta ta pa ripiti e “BUDGET RESTORANT” kada dos luna, ku un grupo di

bisinja di otro bario. E proksimo anochi lo tuma luga na kabamentu di e luna di February binidero según Geraldine Scheperboer.